

**Till Finlands författningssamling nr 235/2016**  
(Lag om statens skogsbruksaktiebolag)

**Tilläggas de samiska översättningarna:**

## Láhka

### stáhta vuovdedoallooasussearvvis

Riikkabeivviid mearrádusa mielde mearriduvvo:

#### 1 §

##### *Vuodđudanvuloš oasussearvi*

Meahciráddehusa vuovdedoallofitnodatdoaibma sirdojuvvo vuodđudanvuloš oasussearvá. Meahciráddehus merke oasussearvi vuodđudettiin buot ossosiiddis stáhta lohku ja fuolaha oasussearvi registreren dihte dárbbášlaš doaibmabijuin. Oasussearvi ja oasussearveortnega nuppástusa ii oaččo almmuhit registrerenláhkai, jos Eana- ja meahccedoalloministeriija ii leat bealistis dohkkehan oasussearveortnega dahje dan nuppástusa.

Oasussearvi doaibmasuorgin lea bargat vuovdedoaluin oktovuogiatvuodain stáhtaeatnamiin ja doaimmahit muorramateriála áššehasaide. Vuovdedoaluin barggadettiin oasussearvi fuolaha meahciráddehuslága (234/2016) 6 §:s oaivvilduvvon oppalaš servodatlaš ja 7 §:s oaivvilduvvon eará servodatlaš geatnegahttimiid ollašuhttimis nu go stáhtaráddi eana- ja čáhceopmodahkii guoskevaš geavahanvuogiatvuoda luohpadettiin ja dan eavttuid dárkkistettiin mearrida.

Oasussearvi oamasta ollásit stáhta ja dan hálddaša Meahciráddehus.

#### 2 §

##### *Luohpadanfápmudus*

Stáhtaráddi oažžu luohpadit heivvolaš buhtadusa vuostá oasussearvá:

- 1) Meahciráddehusa hálddašeapmái čujuhuvvon dahje maŋnelis čujuhit oaivvilduvvon ekonomalaš gánnehangáibádusa vuollásaš eana- ja čáhceopmodahkii guoskevaš sirdin-dohkkemeahtun vuogiatvuoda bargat vuovdedoaluin;
- 2) Meahciráddehusa vuovdedoallofitnodatdoaimma;
- 3) Meahciráddehusa Vuovdedoallu-boadussuorggis adnojuvvon ávnnasmeahtun vuogiatvuodaid ja eará luovosopmodaga.

#### 3 §

##### *Luohpadeami eavttut*

Stáhtaráddi mearrida luohpadanvuloš opmodaga ja dan árvvu sihke eavttuid, maiguin luohpadeapmi dápáhuvvá. Stáhtaráddi mearrida maidái opmodaga luohpadeapmái ja oasussearvi čohkkemii guoskevaš eará ordnestallamiin.

Go eana- ja čáhceopmodahkii guoskevaš geavahanvuogiatvuodas luohpaduvvojat ja daid eavttut dárkkistuvvojat, de galgá fuolahit das ahte meahciráddehuslága 6 §:s oaivvilduvvon oppalaš servodatlaš ja 7 §:s oaivvilduvvon eará servodatlaš geatnegahttimat ollašuhttojat ja Meahciráddehusa dohkkehan luondduriggodagaid geavaheapmái guoskevaš guvllolaš plánat čuvvojuvvojat.

Stáhtaráđđi mearrida, man stuorra oassi opmodagas biddjojuvvo oasussearváí ossosiid vuostá.

## 4 §

*Vuoigatvuohta ovddastit stáhta dihto dáhpáhusain*

Oasussearvi doaibmá riikka rájiid siste, gos das lea vuoigatvuohta bargat vuovdedoaluin, ovddastit Meahciráddehusa ja geavahit stáhtii eanaeaiggádin gullelaš sátneválddi áššis, mii guoská:

- 1) láhkamearrádusaide vuodđduvvi ránnjá dahje ránnjágiddodaga oamasteaddji gullamii;
  - 2) eará guovllu go luonddusuodjalanlágas (1096/1996) oaivvilduvvon luonddusuodjalan-guovllu ja dološmuitolágas (295/1963) ráfáidahttinláhkai mearriduvvon dološmuittu suodje-guovllu rádjegeavvamii;
  - 3) Meahciráddehusa vuoigatvuhtii oktasašvuovdelágas (109/2003) oaivvilduvvon osolašgot-ti čoahkkimis;
  - 4) Meahciráddehusa ovddasteapmái oktasašguovvolágas (758/1989) oaivvilduvvon oso-lašgotti, earret sátkku stivrema várás oaivvilduvvon ja oktasaš čáhceguovllu osolašgotti, čoahkkimis;
  - 5) Meahciráddehussii priváhtageaidnolágas (358/1962) oaivvilduvvon geaidnoosolažžan.
- Oasussearvi doaibmá riikka rájiid siste, gos das lea vuoigatvuohta bargat vuovdedoaluin ja vuoigatvuohta Meahciráddehusa beales miedihit:
- 1) stáhtaeatnamii guoskevaš johtinvuoigatvuoda, jos das ii leat olus mearkkašupmi;
  - 2) stáhtaeatnamii guoskevaš gaskaboddosaš geavahanvuoigatvuoda;
  - 3) vuoigatvuoda hukset stáhtaeatnamii boazodoaluin bargama várás dárbbaslaš ráhkadusa dahje rusttega ja boazodoallolága (848/1990) 39 §:s oaivvilduvvon rátkingárddi.

## 5 §

*Vahátbuhttenvástu stáhta ovddastettiin*

Oasussearvi vástida vahágis, mii lea 4 §:s oaivvilduvvon vuogi mielde stáhta ovddastettiin dahje stáhta sátneválddi geavahettiin fuollameahtunvuodas dagahuvvon stáhtii dahje eará oassebeallái.

## 6 §

*Almmolaš háhkamiidda guoskevaš njuolggadusat*

Dat, mii almmolaš háhkamiin addojuvvon lága (348/2007) 6 §:a 1 momeanttas mearriduvvo háhkanovttadagas, heivehuvvo maidái dán lágas oaivvilduvvon oasussearváí.

Meahciráddehus ja oasussearvi leaba nubbi nuppi ektui almmolaš háhkamiin addojuvvon lága 12 §:s oaivvilduvvon gaskavuodas. Meahciráddehus ja oasussearvi sáhttiba oastit njuol-ga nubbi nuppis bálvalusaid.

## 7 §

*Vearuhus*

Meahciráddehusa dienasvearuhusas lohkkovuvvo luohpaduvvon opmodaga vearovuloš luohpadanhaddin opmodaga vearuhusas geahpeduvvon háhkangolu oassi.

Oasussearvvi vearuhusas lohkkovuvvo sirdašuvvan opmodaga geahpedangelbbolaš háhkangollun vástideaddji mearri, mii lea 1 momeantta mielde lohkkovuvvon Meahciráddehusa vearovuloš luohpadanhaddin. Sirdašuvvan geahpedangelbbolaš eará golut go háhkangolut geahpeduvvojit oasussearvvi vearuhusas seamma vuogi mielde go dat livčče geahpeduvvon Meahciráddehusa vearuhusas. Sirdašuvvan váriide guoskevaš ealáhusboaduin addovuvvon lága (360/1968) 5 a §:s oaivvilduvvon njulgenearit ja sirdašuvvan doibmii guoskevaš várreemat lohkkovuvvojit oasussearvvi vearuhusas vearovuloš bohtun seamma vuogi mielde go dat livčče lohkkovuvvon bohtun Meahciráddehusa vearuhusas.

Meahciráddehusa vearuhusas buhtadussan ožžovuvvon ossosiid geahpedangelbbolaš háhkangollun lohkkovuvvo dat mearri, mii báhcá go sirdovuvvon váriid vearuhusas geahpetkeahtes mearis geahpeduvvo sirdašuvvan velggiid ja várreemiid mearri.

Oasussearvi ii leat geatnegahtton máksit váriidsirdinvearu 2 §:s oaivvilduvvon luohpademis vuodđudanvuloš oasussearvvi ossosiid vuostá.

## 8 §

*Vástu čatnasemiin*

Oasussearvi vástida dain vealge-, bálvalan-, háhkan- ja doaimmahansoahpamušain ja eará daid láhkásaš čatnasemiin, maidda Meahciráddehus lea čatnasan ja mađ gusket oasussearvi luohpaduvvon opmodahkii ja dasa sirdašuvvi vuovdedoallofitnodatdoibmii.

Meahciráddehusa nuppidási vástu vuodđudanvuološ oasussearvi 1 momeantta mielde sirdašuvvi geatnegahttimiin báhcá fápmui, jos vuostebealli ii dohkket vásttuid sirdima oasussearvi. Oasussearvi lea geatnegahtton buhtet Meahciráddehussii dan, maid Meahciráddehus lea dán momeantta vuodul máksán.

## 9 §

*Bargoveaga bálvalusgaskavuodát*

Oasussearvi sirdašuvvi Meahciráddehusa doaimmain dán lága fápmui boadedettiin bargi olbmot sirdašuvvet oasussearvi bálvalussii sullasaš bargui, mas sii ledje ovdal.

Mearreáigásaš doaimmaide váldovuvvon olbmot, geat dikšot oasussearvi vuollásaš doaimmaid, sirdašuvvet oasussearvi bálvalussii sullasaš mearreáigái.

Bargiide ja bargosoahpamuššii guoskevaš eavttuide dan oasussearvi bargosoahpamuša vuollásaš doaimmas, masa bargi 1 momeantta vuodul sirdašuvvá, heivehuvvo, mii oasussearvi čadni bargoeaktosoahpamušas ja bargosoahpamušas sohppojuvvo dahje mii lágas dahje dan vuodul mearriduvvo.

## 10 §

*Fápmuiboahtin*

Dát láhka bohtá fápmui cuoŋománu 15. beaivve 2016.

Stáhtaráđdi oažžu juo ovdal dán lága fápmuiboahtima dahkat 1 ja 2 §:s oaivvilduvvon doaimmabijuid. Dalle daidda heivehuvvo maiddái 7 §.

235/2016

Meahciráđdehus oážžu juo ovdal dán lága fápmuiboahtima dahkat 9 §:s oaivvilduvvon do-  
aibmabijuid.

Helssegis cuorjománu 8. beaivve 2016

**Dásseválddi Presideanta**

**Sauli Niinistö**

Ealáhusministtar Olli Rehn